

岁丙寅予奉

简命来守长沙甫下车即属郡之人士以笃根本兴仁让弭民息讼去华从俭诸大端淳相浩械并举先贤劝训诗言刊布晓示盖无日不欲与斯民共跻先王之盛治臻上理也古王者井田之法行百姓知相拯恤一国犹一族一里犹一家况为同姓之人乎然犹恐其未至也復立大宗小宗之法以维持之是以上下亲睦风俗和厚历世久远而不坏其尚有诟译嚣凌之习至于人各顾其家家各务其私且兄弟且相攘夺而莫之禁焉者乎井田王制之大者已不可复覩其可以仰见先王之遗意者即谱牒之法犹存焉今夫一姓之人其贫富贵贱强弱之等至相悬也苟无谱以聊之几何富者之不侵贫贵者之不凌贱强者之不暴寡也得其人谨书之于谱则必曰是虽贫与吾同宗也是虽贱与吾同祖也是虽弱亦吾祖之子孙也默而思之当必有恍然悲而惕然權者矣而争夺奚有哉是法也 先王之遗意而人不察也久矣长沙孝廉陈开明雅知读书自爱敦尚古道念家谱残缺偕族远猷朝年九

霞修輯成而請序于按陳氏之先系出敬仲唐僖宗時祖端公由招討使授將軍節度武安（即今長沙）歷年八百有余其傳世不可謂不久子姓不可謂不繁顯而掇科登仕隱而孝弟力田卷帙罔不備載嗚呼是亦有識而合于古者乎公侯將相之生夫甯有種在人自修耳陳氏家乘所乘不屑屑于援引往跡借微遺事而惟肅規範立宗法明礼让訓其族人以敦本睦族興孝興弟威自修而為善後世子孫必有翺翔

皇路以光大前人者余屬有風化之責有志于先王善俗致治之道而日不遑息陳氏是譜果有得于先王之遺意也乎此則余之所欲言以為郡人士勸并為天下勸者也因不辭而為之序

時 清乾隆十四年己巳歲桂秋吉旦

特授中憲大夫知湖南長沙府事河南呂肅高南村氏拜撰